

նայն քրիստոնէից՝ և ըստ օրինաց իւրեանց լույսանեն կանթեզ և զաշտանակս, և է՝ ի ժառանգութեան նոցին, և Հայք վասն խնդրոցս այսոցիկ բազում անգամ ՚ի դատ մբտին ընդ Լատինս, և արգելին զնոսա, և ունին վաւերական գրեանս. եւ չէ հնար թողուլ զդարաւոր իրաւունս ՚ի յափշտակութիւն Լատինաց: Այն ինչ աւարտեալ էին Հայք զբանս իւրեանց, խուժեցին ՚ի ներքս վերակացուք կալուածոց Սիւլէյմանայ Արքայի, և եղեալ առաջի դատաւորին զտումարն՝ ասեն, յաղագս տաճարի Ս. Յարութեան իւրաքանչիւր ամի հազիւ կարեմք առնուլ ՚ի Լատինաց 300 ոսկիս. իսկ ՚ի Հայոց և յայլ քրիստոնէից առնումք աւելի բան զ3000 ոսկիս. եթէ տեղիքս այսոցիկ տացի ՚ի ձեռս Լատինաց, եւ Հայք ՚ի բաց մերժեսցին, եւ խափանեսցին պաշտօնք նոցին, ուստի՞ պարտ իցէ ընուլ զպակասութիւն արդեանց, զոր օրինադրեաց Արքայն Սիւլէյման, ուստի պարտ իսկ է երկոցունց կողմանց մնալ ՚ի վիճակն առաջին, և խնդիրն դարձցի վերստին ՚ի Կոստանդինուպօլիս: Հաճոյ թուեցան բանք վերակացուաց, եւ դատաւորն հանդերձ ժողովով գրեաց զամենայն հանգամանս գործոյն ՚ի Դուռն ՎՊՎ (1621):

Ի հասանիլ թղթոց ՚ի Կոստանդինուպօլիս, գրեցաւ հրովարտակ (Խաթիթի Շէրիֆ), մերժեւ զվէճս Լատինաց, չնեղել զՀայս, և չգործել ինչ ընդդէմ նախնի սովորութեանց, որպէս պատուիրեալ է յառաջին հրովարտակսն և հաստատեալ ՚ի դատարանի, ՚ի ՎՍ Րէպիլ ախր ամսոյ՝ ՎՊՎ (1621): Սակայն քանք մեծ էր Լատինաց և աշխատութիւն անխոնջ սակս գործադրութեան հրովարտակին, զի գրեալ էր ՚ի նմա, եթէ ոչ անսպցեն Հայք հրամանին և ՚ի բաց կացցեն ՚ի Ս. Տեղեաց՝ յանդիման լիցին մեծի ատենի կայսեր՝ և անդ վճարեսցեն զիրան: Յանձն առին Հայք, և սկսան պատարասել զհանրադրութիւնս ՚ի դատաւորն և ՚ի մեծամեծաց այլազգեաց, և զայլ կարեւոր գրեանս, և ելին ՚ի ճանապարհ երթալ ՚ի քաղաքն Արքայանիստ: Զի չեւ եւս հասեալ սոցա անդ և յանդիման լեալ մեծի ատենին. Լատինք բարձին զկանթեզունս Հայոց ՚ի Ս. Տեղեաց, խորտակեցին զարկեղունս և զպահարանս, և յափշտակեցին զգգեստս և զպաասս եկեղեցւոյ և անյայտ արարին: Լու եղեւ անակնկալ